



PRIMEIRU-MINISTRU

DISKURSU
SUA EXELÉNSIA PRIMEIRU-MINISTRU
REPÚBLIKA DEMOKRÁTIKA TIMOR-LESTE

KAY RALA XANANA GUSMÃO

IHA SIMEIRA ASEAN – REPÚBLIKA KOREIA BA DA-24

Jakarta, Indonézia, lora 6 fulan-setembru tinan 2023

Obrigadu, Señor Prezidente, ba oportunidade hodi hato'o ha'u-nia observasaun sira.

Vosa Majestade

Exelentísimus Líderes ASEAN,

Exelentísimu Señor Prezidente República Koreaia,

Señoras no Señores,

Ha'u hakarak hato'o agradesimentu ba Koprezidentes ne'ebé fó ona mai ha'u oportunidade hodi hato'o observasaun badak ida-ne'e no observa diretamente diálogo pozitivu entre líder sira ASEAN no República Koreaia nian.

Ha'u mós hakarak felisita nasaun Vietname ba nia serbisu exelente hanesan Nasaun Koordenadór ba relasoins diálogo ASEAN-República Koreaia nian.

Hanesan líder Governu Konstitusionál IX Timor-Leste nian, ha'u hakarak aproveita oportunidade ida-ne'e hodi hato'o agradesimentu ba República Koreaia ba ninia amizade no apoiu ba dezvoltimentu Timor-Leste.

Ami admira no buka hodi aprende husi susesu dezvoltimentu República Koreaia nian.

Ami agradese ba ita-boot sira-nia apoiu ba ami-nia objetivu iha seguransa alimentár.

Ami mós agradese ba oportunidade ne'ebé fó ona husi República Koreaia ba ami-nia joven rihun ba rihun hodi hetan asesu ba “Sistema Autorizasaun Empregu”.

Ami-nia joven sira louva tebes sira-nia empregadór koreanu sira no valoriza esperiénsia moris iha ita-boot sira-nia nasaun.

República Koreaia no Timor-Leste estabelese ona parseria dezvoltimentu ida ne'ebé jenuína husi kedas restaurasaun ami-nia independénsia.

Ami apresia tebes ba apoiu ami-nia adezaun ba ASEAN no ami espera bele hametin ami-nia parseria iha futuru. Timor-Leste, hanesan kandidatu membru plenu direitu ASEAN nian, nafatin buka atu kompriende forma no relasaun sira ne'ebé ASEAN iha ho ninia parseiru sira, inklui ho República Koreaia. Ami apresia tebes ba apoiu ne'ebé metin husi Estados Membrus hotu-hotu ASEAN nian durante ami-nia prosesu adezaun no ami iha ona kompromisu hodi kontinua serbisu ho ASEAN no ho República Koreaia iha esforsu ida-ne'e.

Obrigadu, Señores Koprezidentes.